



DEIALDIA, HAINBAT LANPOSTUTAKO PLAZA HUTSAK LEKUALDATZE-LEHIAKETA BIDEZ BETETZEKO

Iruñeko Udaleko Giza Baliabideetako zuzendariak 2026ko otsailaren 5a emandako ebazpenaren bidez onetsi du hainbat lanpostutako plaza hutsak (II. eranskinean jasoak) lekualdatze-lehiaketa bidez betetzeko deialdia, Iruñeko Udalaren eta haren erakunde autonomoen zerbitzura aritzeko.

Hautapen-prozesua honako hauetan xedatutakoaren arabera gauzatuko da: 251/1993 Legegintzako Foru Dekretua, abuztuaren 30ekoa, Nafarroako Administrazio Publikoen zerbitzuko Langileen Estatutuaren testu bategina onesten duena; 1/2025 Foru Lege Dekretua, 2025eko maiatzaren 7koa, Nafarroako Administrazio Publikoetan behin-behinekotasuna murrizteko langileen arloko aparteko eta premiazko neurriak onesten dituen; 215/1985 Foru Dekretua, azaroaren 6koa, Nafarroako Administrazio Publikoetako lanpostuak betetzeko Erregelamendua onesten duena; azaroaren 6ko 97/2024 Foru Dekretua; Tokiko Gobernu Batzarrek 2025eko otsailaren 24an hartutako erabakia; aplikatzekoak diren gainerako arauak, eta deialdi honetako oinarriak.

Hona deialdi horiek arautuko dituzten oinarriak:

OINARRIAK

1. Xedea.

1.1. Deialdi honen xedea da lekualdatze-lehiaketa bidez II. eranskinean zerrendatutako lanpostuetako plaza hutsak betetzea, Iruñeko Udalaren eta haren erakunde autonomoen zerbitzura aritzeko.

II. eranskinean xehatuta daude plaza kopurua, lanpostua, maila, eskatutako titulazioa, kokapena, araubide juridikoa, hizkuntza-eskakizuna eta plazen gainerako ezaugarriak.

1.2. Hasieran deitutako plaza horiei gehitzen ahalko zaizkie kalifikazio-epaimahaiak deialdia egin duen organoari lehiakideen zerrenda (lortutako puntuen hurrenkeraren arabera) igortzen dion egunean bete gabe dauden plazak ere.

1.3. Era berean, plaza horiek deialditik kanpo uzten ahalko dira, dela birkokatze prozesuei lotuta gelditzen direlako, dela jarduneko zerbitzura itzultzen direnei esleitzen zaizkielako, nahiz antolamenduan zehaztutako beste edozein arrazoiengatik.

1.4. Halaber, lehiaketan beste plaza bat lortzen duten izangaiek hutsik uzten dituzten plazak ere beteko dira lekualdatze-lehiaketa honetan.

1.5. Aurrekoa gorabehera, ez dira eskainiko lekualdatze-lehiaketan beste plaza bat lortu duten izangaiek hutsik uzten dituzten plazak, baldin eta plaza horiek "iraungitzeak" direlako bete behar ez badira, edo antolakuntza-arrazoiengatik horiek betetzea beharrezkoa ez bada.

1.6. Deialdiko zazpigarren oinarrian aipatzen den plaza hutsak hautatzeko epean, deitutako plazen ordeztu, organo eskudunek egin dituzten aldaketen arabera –baldin aldaketarik egin badute– egoki direnak jartzen ahalko dira, zerbitzuaren beharren arabera.



1.7. Lehiaketa honetan plaza lortzen duen lehiakiderik badago eta horien lanpostuaren izendapena eta deitutako lanpostuarena desberdina baldin bada, deitutako lanpostuaren izendapena hartuko dute, plaza berria jabetzan hartu eta hortik aitzina. Halaber, hala dagokionean, aldatu egingen dira lehiaketaren ondorioz hutsik geratzen diren eta berriro lehiakideei eskaintzen zaizkien plazen izendapenak.

2. Izangaiek bete beharreko betekizunak.

2.1. Indarrean den araudian xedatutakoaren arabera, lekualdatze-lehiaketa honetan parte hartzen dutenek betekizun hauek bete beharko dituzte eskabideak aurkezteko epea amaitzen den egunean eta esleitutako plazaz jabetzeko unean:

a) Iruñeko Udaleko edo haren erakunde autonomoetako langile finko izatea, haien egoera administratiboa edozein dela ere.

b) Deialdiaren xede den lanpostu berean izendatua izatea.

c) Haurrak eta nerabeak indarkeriaren aurrean osorik babesteko ekainaren 4ko 8/2021 Lege Organikoaren arabera, adingabeekin ohiko harremana duten lanpostuetan aritzeko baldintza da epai irmo baten bidez kondenarik jaso ez izana sexu-askatasunaren eta -ukigabetasunaren aurkako delitu batengatik edo gizakien salerosketarengatik.

d) I. eranskinak hala zehazten badu eta euskara derrigor jakitea eskatzen duen plaza batera sartu nahi bada, plazarako eskatutako maila egiaztatzen duen titulu edo egiaztagirietako bat eduki beharko da, Europako Erreferentzia Esparru Bateratuan ezarritako mailekin bat, Nafarroako Administrazio Publikoaren Institutuko zuzendari-kudeatzaileak irailaren 13an emandako 210/2010 Ebazpenean jasota daudenetako bat (117. Nafarroako Aldizkari Ofiziala, 2010eko irailaren 27koa), edo ofizialki baliokidetzat jotzen den titulazioa.

e) Subrogazio-prozesuetatik datozen langile finkoak haien produkzio-unitateari atxikita dauden lekualdatze-lehiaketetara soilik aurkezten ahalko dira.

2.2. Betekizun horiek beteta eduki beharko dituzte izangaiek parte hartzeko eskaerak aurkezteko epea bukatzen den egunean, eta plazaren jabetza hartu arte mantendu beharko dira.

2.3. Izangaiek deialdi honen oinarrietan ezartzen den unean frogatu beharko dituzte aurreko betekizun horiek.

2.4. 2009ko urtarrilaren 1aren ondoren, dagozkien probak gaindituta, Nafarroako Foru Komunitateko administrazioan euskara edo Europar Batasuneko hizkuntzaren bat jakitea derrigorrezkoa den lanpostuetan sartu direnek hizkuntza hori jakitea derrigorrezkoa duten plaza hutsak bakarrik hautatzen ahalko dituzte.

Dena den, aurreikuspen hori ez da aplikatuko baldin eta, jakin behar den hizkuntza kontuan hartu gabe, hautapen-prozesuko emaitzak aukera eman balio interesdunari baldintza hori ezarrita ez zeukan plaza bat eskuratzeko.

2.5. Plaza-erreserbarik gabeko eszedentzian dauden Iruñeko Udaleko eta haren erakunde autonomoetako langileak zerbitzu aktibora itzultzen ahalko dira lekualdatze-lehiaketaren deialdian parte hartuta.

2.6. Zerbitzu aktibora plaza huts bati behin-behinekoz atxikita itzuli diren langileak lekualdatze-lehiaketaren deialdira aurkeztu beharko dira, behin betiko destinoa esleitu dakien.

2.7. Lehiaketa honetan parte hartzeak ez du ekarriko, inongo kasutan, parte hartu aurretik lehiakideek zuten araubide juridikoa aldatzea.



3. Eskabideak.

3.1. Eskabideak aurkezteko epea.

Deialdian parte hartzeko eskabideak hamar egun naturaleko epean aurkeztu beharko dira, deialdia Nafarroako Aldizkari Ofizialean argitaratu eta biharamunetik aitzina kontatuta. Eskabideak aurkezteko ezarritako epea luzaezina da.

3.2. Eskabidea aurkeztea eta formalizatzea.

Hautapen-prozesu honetan parte hartu nahi dutenek modu telematikoan aurkeztu beharko dute eskabidea, Internet bidez, www.pamplona.es/eu webgunean, honako nabigazio-bide honi jarraikiz: “Izapideak eta lizitazioak”, “Lan-eskaintzak”, “Enplegu publikoa”, “Enplegu publikoko deialdiak”, deialdi bakoitzari dagokion aipamenean.

3.3. Eskabidearekin batera aurkeztu beharreko agiriak.

Izangaiek aurkeztu beharko dituzte, bakar-bakarrik, I. eranskinean zehaztutako baremoan xehatzen diren hizkuntzen ezagutza egiaztatzen duten ziurtagiriak.

Euskara jakitea betekizun gisa duen plaza batera sartu nahi dutenek plaza hutserako eskatutako maila egiaztatzen duen titulu edo egiaztagirietako bat aurkeztu beharko dute, Europako Erreferentzia Esparru Bateratuan ezarritako mailekin bat, Nafarroako Administrazio Publikoaren Institutuko zuzendari-kudeatzaileak irailaren 13an emandako 210/2010 Ebazpenean jasota daudenetako bat, edo ofizialki baliokidetzat jotzen den titulazioa.

Iruñeko Udaleko eta haren erakunde autonomoetako zerbitzuei buruzko informazioa zuzenean gehituko da parte-hartzaile bakoitzaren espediente pertsonalean, eta epaimahaiaren esku jarriko da barema dezan.

3.4. Aski izanen da agirien kopia soilak aurkeztea; hala ere, emandako datuak edo agiriak okerrak edo faltsuak badira, horrek berekin ekarriko du horrelako kasuetarako ezarritako erantzukizun penalak, zibilak edo administratiboak eskatzea.

Administrazioak edonoiz eskatzen ahalko dizkie izangaiei deialdian parte hartzeko eskabidearekin batera aurkeztutako agirien jatorrizkoak edo fotokopia konpultsatuak.

4. Izangaien onarpena.

4.1. Eskabideak aurkezteko epea amaitutakoan, Giza Baliabideetako zuzendariak ebazpena emanen du, izangai onartu eta baztertuen behin-behineko zerrenda onesteko, eta Udalaren webgunean deialdiaren fitxan argitara dadin aginduko du.

4.2. Baztertutako izangaiek erreklamazioak aurkezteko edo, hala behar izatera, egindako akatsak zuzentzeko aukera izanen dute bost egun balioduneko epean, behin-behineko zerrenda deialdiaren web-fitxan argitaratu eta hurrengo egunetik aitzina zenbatuta. Erreklamazioak izangai onartuen eta baztertuen behin-behineko zerrenda onesten duen ebazpenean zehazten den bidetik aurkeztuko dira.

4.3. Ezarritako epean eskabiderik aurkezten ez bada, Iruñeko Udaleko Giza Baliabideetako zuzendariak lehiaketa bete gabe gelditu dela deklaritzen duen ebazpena emanen du. Ebazpen hori Nafarroako Aldizkari Ofizialean argitaratu beharko da.



4.4. Baztertutako izangairik ez balego, behin betiko zerrenda onetsiko da zuzenean, eta deialdiaren web-fitxan argitaratuko da.

4.5. Erreklamazioak aurkezteko epea amaituta eta haien gainean ebatzi ondoren, Giza Baliabideetako zuzendariak izangai onartuen eta baztertuen behin betiko zerrenda onesteko ebazpena emanen du, eta deialdiaren web-fitxan argitara dadila aginduko.

5. Kalifikazio-epaimahaia.

5.1. Kalifikazio-epaimahaia kide hauek osatuko dute:

Epaimahaiburua: Xabier Burgui Vergara, Iruñeko Udaleko Giza Baliabideetako Alorreko zuzendaria.

Epaimahaiburu ordezkoa: Aitor Navarro Aristorena, Iruñeko Udaleko Ogasuneko eta Kontratazio Publiko Arduratsuko Alorreko zuzendaria.

Epaimahaikidea: Langileen Batzordeko ordezkari bat, Batzordeak berak izendatua.

Epaimahaikide ordezkoa: Langileen Batzordeko ordezkari bat, Batzordeak berak izendatua.

Epaimahaikide-idazkaria: Beatriz Martínez Buldain, Iruñeko Udaleko giza baliabideetako teknikaria.

Idazkari ordezkoa: Raquel Pérez García, Iruñeko Udaleko giza baliabideetako teknikaria.

5.2. Epaimahaia eratzen ahalko da deialdiak Nafarroako Aldizkari Ofizialean argitaratzen den egunetik aurrera.

5.3. Epaimahaia ezin izanen da eratu, ezta jardun ere, gutxienez kideen gehiengoa bildu gabe.

5.4. Kalifikazio-epaimahaiko kideek parte hartzeari uko egin beharko diote, eta organo deitzaileari jakinarazi, Sektore Publikoaren Araubide Juridikoari buruzko urriaren 1eko 40/2015 Legean horretarako ezarriak dauden arazoak suertatzen badira. Izangaiek, halaber, zilegi izanen dute epaimahaikideak errekusatzeko, aipatu inguruabar horiek gertatzen badira.

5.5. Epaimahaiak gehiengoz erabakiko du deialdiaren oinarriak aplikatzean sortzen ahal diren arazo guztiei buruz.

5.6. Epaimahaiak aholkulari espezializatuak edukitzen ahalko ditu; aipatu aholkulariak beraien espezialitate teknikoetan soilik ariko dira, eta haietan oinarriturik bakarrik emanen diote laguntza epaimahaiari.

6. Merezimenduen balorazioa.

6.1. Deituko diren lekualdatze-lehiaketetan elementu hauek baloratuko dira 46 puntuko gehieneko balioa izanen duen eskala baten barruan, honela banatuta:

a) Antzintasuna Iruñeko Udalean eta haren erakunde autonomoetan, deialdi honen xede den lanpostuan: 1 puntu, zerbitzu-urte oso bakoitzeko (40 puntu bitarte).

Urteen kopurua osoa ez bada, zerbitzuan egindako aldiari proportzioan dagokion puntuazioa esleituko zaio. Ez dira aintzat hartuko deialdia argitaratu ondoren egindako zerbitzuak.

b) Puntuazio gehigarria, hizkuntzak ezagutzeagatik: 6 puntu gehienez ere.

b.1.) Frantsesa, ingelesa edo alemana jakitea baloratuko da, Europar Batasuneko lan-hizkuntza baitira; gehienez ere 2 puntu hizkuntza bakoitzeko.

b.2.) Euskara jakitea baloratuko da, plantilla organikoaren arabera plazan aritzeko euskara jakitea nahitaezkoa ez denean: 2,76 puntu gehienez.



6.2. Izangai bakoitzak aurreko bi apartatuetan alegatu eta frogaturiko merezimenduak deialdi honen I. eranskinean jasotako baremoari jarraikiz kalifikatu eta puntuatuko dira.

6.3. Epaimahaiak ezin izanen du inolaz ere kontuan hartu alegatu gabeko eta agirien bidez egiaztatu gabeko merezimendurik, ezta apartatu bakoitzerako ezarritako gehieneko puntuazioa baino altuagorik eman ere.

6.4. Epaimahaiak azalpenak eta datu osagarriak eskatzen ahalko ditu lehiaketan parte hartzen duten izangaiek alegatu eta egiaztatutako merezimenduen gainean.

6.5. Behin merezimenduen kalifikazioa amaituta, epaimahaiak Udalaren webgunean argitara emanen ditu parte-hartzaileek lortutako puntuazioak, eta bost egun balioduneko epea irekiko du, webgunean argitaratu eta biharamunetik aitzina kontatuta, interesdunek merezimenduen balorazioaren gainean eskubidez komeni zaien guztia alega dezaten.

6.6. Lehiakideek guztira lortzen dituzten puntuetan berdinketarik bada, Iruñeko Udalean eta haren erakunde autonomoetan zerbitzuan antzintasunik handiena dutenen alde joko da. Berdinketak bere horretan badirau, kalifikazio-epaimahaiak xede horrekin egingen duen zozketaren bidez ebatziko da.

6.7. Kalifikazio-epaimahaiak, aurkezten diren erreklamazioak ebatzi ondoren, Udalaren webgunean argitaratuko ditu izangai guztien behin betiko puntuazioak, eta Giza Baliabideetako zuzendariari igorriko dio izangaien zerrenda, lortutako puntuazioaren arabera ordenatuta, espediente osoarekin batera.

7. Plaza hutsak hautatzea.

7.1. Behin aurreko izapidea beteta, parte-hartzaileen eskura jarriko da hautatzen ahal duten plazen zerrenda, Udalaren webguneako deialdiaren fitxan argitaratuta, eta bost egun balioduneko epea emanen da interesatutako parte-hartzaileek eskaera bitarteko telematikoz egin dezaten, erregistro elektronikoaren bidez.

Deialdia egin duen organoak hautaketa- eta esleipen-ekitaldia egingen du, puntuazio-ordena kontuan hartuta.

Hautaketaren emaitzari buruzko informazioa Iruñeko Udalaren webgunean argitaratuko da.

Adierazitako epearen barruan eskabidea igortzen ez duten izangaiek galdu egingen dituzte lehiaketaren xede diren plaza hutsak betetzeko eskubide guztiak.

Plaza hutsak hautatzeko epea amaitu ondoren, lehiakideek ezin izanen diote uko egin hautatutako plazari.

8. Plazak esleitzea eta jabetzan hartzea.

8.1. Plaza hutsak lehiaketan erdietsitako puntuazioaren hurrenkeraren eta interesdunen eskarien arabera esleituko dira.

Plaza hutsak hautatzeak esan nahi du lehiakideak berariaz onartzen duela berak adierazitakoen artean esleitu zaion plaza, eta ezin izanen dio uko egin.

Birkokatutako lehiakideei dagokienez, Iruñeko Udaleko eta haren erakunde autonomoetako langileen hitzarmen kolektiboaren II. eranskineko hamaikagarren artikuluan eta Iruñeko Udaleko langile lan-kontratudunen Hitzarmen kolektiboan xedatutakoa beteko da.

Esleipenaren aurretik, lehiakideek deialdian eskatutako betekizun guztiak betetzen dituztela egiaztatuko da. Iruñeko Udalak ez badu betekizunen bat betetzen duela egiaztatzeko frogarik, interesdunari dagokion



dokumentazioa aurkezteko eskatuko zaio. Deialdian eskatutako betekizunen bat ez bada egiaztatzen, izangaiak ezin izanen du esleitutako plaza jabetzan hartu.

8.2. Giza Baliabideetako zuzendariak lehiakideei dagozkien plazak esleituko dizkie, eta lanean hasteko data ezarriko du. Ebazpen hori Nafarroako Aldizkari Ofizialean argitaratuko da.

8.3. Lekualdatze-lehiaketan parte hartzen duten langileei ez zaie aldatuko lehiaketan parte hartu aurretik zuten araubide juridikoa.

9. Errekurtsoak.

Deialdi honen, deialdiaren oinarrien eta haiek aplikatzeko epaimahaia sorburu ez duten egintzen aurka, errekurtso hauetariko bat paratzen ahal da:

- a) Berraztertze errekurtsoa, egintza gauzatu duen organoari zuzendua, hilabeteko epean, ebazpen hau jakinarazi edo argitaratu eta biharamunetik aitzina.
- b) Gora jotzeko errekurtsoa, Nafarroako Administrazio Auzitegiari zuzendua, hilabeteko epean, errekurritutako egintza edo erabakia jakinarazi edo argitaratu eta biharamunetik aitzina.
- c) Administrazioarekiko auzi-errekurtsoa, Administrazioarekiko Auzien Iruñeko Epaitegiari zuzendua, bi hilabeteko epean, errekurritu nahi den egintza edo erabakia jakinarazi edo argitaratu eta biharamunetik aitzina.

Kalifikazio-epaimahaiaren egintzen eta ebazpenen aurka, gora jotzeko errekurtsoa aurkez daiteke, deialdia egin duen udal-organismoari zuzendua, hilabeteko epean, errekurritu nahi den egintza edo erabakia jakinarazi eta hurrengo egunetik aitzina kontatuta.

Udalaren webgunean argitaratuko dira hala jarritako errekurtsoak nola haien gainean emandako ebazpenak, hautapen-prozesu honetako interesdunei jakinarazteko eta dei egiteko.

Iruñean, 2026ko otsailaren 5an.- Giza Baliabideetako Alorreko zuzendaria, Xabier Burgui Vergara.

I. ERANSKINA - BAREMOA

Lekualdatze-lehiaketa honetan elementu hauek baloratuko dira 46 puntuko gehieneko balioa izanen duen eskala baten barruan, honela banatuta:

a) Antzinasuna Iruñeko Udalean eta haren erakunde autonomoetan, deialdi honen xede den lanpostuan: 40 puntu bitarte.

Urteen kopurua osoa ez bada, zerbitzuan egindako aldiari proportzioan dagokion puntuazioa esleituko zaio. Ez dira aintzat hartuko deialdia argitaratu ondoren egindako zerbitzuak.

b) Puntuazio gehigarria, hizkuntzak ezagutzeagatik: 6 puntu gehienez ere.

b.1.) Frantsesa, ingelesa edo alemana jakiteagatik, Europar Batasuneko lan-hizkuntza baitira, gehienez ere 2 puntu hizkuntza bakoitzeko.

Hizkuntzetarako Europako Erreferentzia Esparru Bateratuaren C1 mailaren pareko jakite-maila egiaztatzen duen titulu edo ziurtagiria duenari 2 puntu emanen zaizkio, gehienez ere.

Titulu edo ziurtagiri hori eduki ezean, A1, A2, B1, B2 eta C1 mailen baliokidea den titulua edo ziurtagiria baloratuko da, honela:

A1: 0,4 puntu / A2: 0,8 puntu / B1: 1,2 puntu / B2: 1,6 puntu / C1: 2 puntu

b.2.) Euskara jakiteagatik, plantilla organikoaren arabera plazan aritzeko euskara jakitea nahitaezkoa ez denean: 2,76 puntu gehienez.

Hizkuntzetarako Europako Erreferentzia Esparru Bateratuaren euskarazko C1 mailaren pareko jakite-maila egiaztatzen duen titulu edo ziurtagiria duenari 2,76 puntu emanen zaizkio, gehienez ere.

Titulu edo ziurtagiri hori eduki ezean, A1, A2, B1, B2 eta C1 mailen baliokidea den titulua edo ziurtagiria baloratuko da, honela:

A1: 0,55 puntu / A2: 1,10 puntu / B1: 1,65 puntu / B2: 2,20 puntu / C1: 2,76 puntu

II. ERANSKINA - LANPOSTUAK ETA ESKAINITAKO PLAZAK

PLAZA KOP.	LANPOSTUA	MAILA	PLAZEN KODEA	ALORRA	NAHITAEZKO HIZKUNTZA: EUSKARA	ARAUBIDE JURIDIKOA	OHARRAK
1	OSOKO BILKURAKO IDAZKARIA	A	100301-1	AHOLKULARITZA JURIDIKOA		FUNTZIONARIOA	
7	ARKITEKTOA	A	100503-6 100503-19	GOBERNU ESTRATEGIKOA, HIRIGINTZA, ETXEBIZITZA ETA 2030 AGENDA		FUNTZIONARIOA	
			100503-11	PROIEKTUAK ETA MUGIKORTASUNA		FUNTZIONARIOA	
			100.002-1 100.002-2 100.002-6 100.002-5	HIRIGINTZA GERENTZIA		FUNTZIONARIOA	
2	ARTXIBOKO GOI-MAILAKO TEKNIKARIA	A	100506-2 100506-3	GERENTZIA		FUNTZIONARIOA	
1	PEDAGOGIAN LIZENTZIADUNA	A	100512-3	BERDINTASUNA, EKINTZA KOMUNITARIOA, AUZOAK ETA KULTUR ANIZTASUNA		FUNTZIONARIOA	
2	SOZIOLOGOA	A	100513-3 100513-4	GOBERNU ESTRATEGIKOA, HIRIGINTZA, ETXEBIZITZA ETA 2030 AGENDA		FUNTZIONARIOA	
1	KIROLEKO GOI-MAILAKO TEKNIKARIA	A	100518-1	KULTURA, JAIK ETA KIROLA		FUNTZIONARIOA	
3	ALBAITARIA	A	101103-15 101103-16 101103-17	HIRI-KONTSERBAZIOA ETA OSASUNA		FUNTZIONARIOA	
2	INGURUMENEN GOI-MAILAKO TITULUDUNA	A	103600-1 103600-2	GOBERNU ESTRATEGIKOA, HIRIGINTZA, ETXEBIZITZA ETA 2030 AGENDA		FUNTZIONARIOA	



PLAZA KOP.	LANPOSTUA	MAILA	PLAZEN KODEA	ALORRA	NAHITAEZKO HIZKUNTZA: EUSKARA	ARAUBIDE JURIDIKOA	OHARRAK
2	GAZTERIAKO TEKNIKARIA	B	200210-2 200210-3	SUSTAPEN EKONOMIKOA, BERRIKUNTZA, EUOPAR PROIEKZIOA, GARAPENERAKO LANKIDETZA	C1 200210-3	FUNTZIONARIOA	
2	GARAPENAREN ALDEKO LANKIDETZAKO TEKNIKARIA	B	200211-1 200211-2	SUSTAPEN EKONOMIKOA, BERRIKUNTZA, EUOPAR PROIEKZIOA, GARAPENERAKO LANKIDETZA		FUNTZIONARIOA	
2	ERDI-MAILAKO TITULUDUNA (LORATEGIAK)	B	200500-8 200500-13	HIRI-KONTSERBAZIOA ETA OSASUNA		FUNTZIONARIOA	
16	GIZARTE-LANGILEA	B	201000-36 201000-41 201000-66 201000-122 201000-137 201000-138 201000-139 201000-140 201000-141 201000-142 201000-143 201000-144 201000-153	GIZARTE-EKINTZA	B2 201000-142 201000-143 201000-144	FUNTZIONARIOA	
			2-201000-18 2-201000-19 2-201000-131			LANEKOA	
1	ARTXIBOKO TEKNIKARIA, ERDI- MAIL. TIT.	B	208700-1	GERENTZIA		FUNTZIONARIOA	



PLAZA KOP.	LANPOSTUA	MAILA	PLAZEN KODEA	ALORRA	NAHITAEZKO HIZKUNTZA: EUSKARA	ARAUBIDE JURIDIKOA	OHARRAK
1	ADINEKOEKIN GIZARTE ESKU-HARTZERAKO TEKNIKARIA	B	210000-1	BERDINTASUNA, EKINTZA KOMUNITARIOA, AUZOAK ETA KULTUR ANIZTASUNA		FUNTZIONARIOA	
1	GIZARTE-ENPLEGUKO ARDURADUNA (PINTURA)	C	2-306700-5	GIZARTE EKINTZA		LANEKOA	
2	HIRI-KONTSERBAZIOKO OFIZIAL IKUSKATZAILEA	C	307500-9 307500-25	HIRI-KONTSERBAZIOA ETA OSASUNA		FUNTZIONARIOA	Lekualdatzen diren pertsonen berdeguneen buruzko prestakuntza-ikastaroa egin beharko dute.
1	IKUSKATZAILE LAGUNTZAILEA (IBILGAILU PARKEA)	D	406700-23	HIRI KONTSERBAZIOA ETA OSASUNA		FUNTZIONARIOA	Baldintzak: Automobilen elektromekanikako teknikariaren titulua edo baliokidetzat jotako titulazioa.